

國朝耆獻類徵初編卷三百二十九目錄

材武三

陳得功

阮玉堂

李觀 子聖城

常裕綸

宋若士

哈尙德

王
大章
張浩

王世傑

劉德

鍾和

從弟岳

邱中玉

萬世通

葉信

王仲

諾爾本

楊光時

龍廷表

西密揚阿 噶辰祿

白雲上

雷震 姜琳

海秀 大五格

唐光茂

鄭朝柱
何光昇

李世崧

國朝耆獻類徵初編卷三百二十九

通奉大夫前署江西巡撫江西布政使司布政使湘陰李桓輯

材武三

陳得功

乾隆己卯秋原任甘肅靖逆營守備立奇陳公以疾卒於里第其孤嗣德杖而泣拜曰不孝孤鍾禍於我先君今葬有日矣敢以墓中之刻請余知公深雖無文誼不得辭謹按公諱得功字立奇先世南通州人寄籍於松應募充提標後營步戰兵少有大志軀幹雖不甚偉而挽十石弓膂力過人每思立功軍前會隨遊擊某出塞印馬一切邊徼之山川阨塞莫不周覽而熟識之不數年間由

本營把總轉陝西神木營千總升授甘肅靖逆營守備終今官此
公歷任之大凡也 王師征噶爾丹大將軍某檄公爲先鋒領隊
前往斬獲賊首級甚多大兵繼進遂克奏捷以軍功超擢守備靖
逆處極邊之地寇不時至公嚴爲之備莫敢犯境一日出巡遇伏
發賊蠭擁而來公率麾下力戰自辰至酉身被數十創卒得脫金
川蠢動調甘肅兵征勦箐篁蒙密謀者迷道公敢深入冒矢石仰
攻奪彌樓幾座賊鋒少挫提督任歿於陣而公還其營蓋生平戰
功歷歷可紀者如此後以乞休歸白龍潭上破屋數椽蒔花種柳
樂與朋好相過從酒半酣爲予言當年遇敵鏖戰解衣磅礴指示
背上刀瘢箭痕累累可數年雖老而意氣激烈恍如見公躍馬臨

陳時也公起家行伍而於孫吳司馬尉繚子等書類能曉其大略
居常整飭戎伍撫恤士卒及有事則奮勇爭先屢立功績庶幾希
蹤千古之名將與公生康熙某年月日卒乾隆三十四年某月日
配某氏子一嗣德以某年月日葬於某縣某鄉之原銘曰

公嫺韜略起自戎行戰則必克振威遐荒秋風鱸膾言歸故鄉釋
戈而杖蔗境徜徉將星奕奕孰閤其光銘詞惟信納於幽堂

右墓誌銘黃達撰

奇墓誌銘卷四

大南封燕鄭將軍鄭某之墓誌銘其文略同鄭君諱某字某
公諱鄭某自茲科舉國必京燕鄭某之墓誌銘其文略同
其某氏子一碑誌曰某氏曰某氏某氏之碑誌曰
其于古之合葬也公某氏某氏曰某氏某氏曰
其常葬也其葬也士卒又其葬也其葬也其葬也
其葬也其葬也其葬也其葬也其葬也其葬也其葬也

阮玉堂

嘉慶元年內閣學士兼禮部侍郎提督浙江學政阮伯元先生將
爲乃祖遊擊公立石於神道述先德而紀戰功不遠數百里郵行
狀示其友凌廷堪屬爲之銘廷堪與侍郎交久且厚不敢以卑賤
不文辭也謹案狀公諱玉堂字履廷號琢庵先世自山陽遷江都
遂爲江都人曾祖秉謙祖樞良考時衡皆潛德不仕公始占籍儀
徵舉康熙五十年武鄉試越四年武會試中式 殿試三甲分鑲
藍旗教習五十八年授藍翎侍衛雍正元年遷三等侍衛三年授
湖北撫標中軍遊擊十年會改撫標中軍缺爲參將時岳威信公
以大將軍西討準夷奏以軍前某官補其缺未抵任公仍以原官

署參將事是年軍政卓異次年調廣東提標後營遊擊巡撫德齡以公馭士嚴整有律奏畱湖北任得 俞旨乾隆元年參將某至自軍前撫臣遂以公署興國營參將旋改署苗疆九谿營遊擊二年 天子命大吏各舉所知史文靖時總督兩湖以公才守兼優應 詔五年五月湖南城步綏甯兩縣苗叛據險焚劫殺傷吏民公奉檄率九谿澧州洞庭常德四營兵隨鎮筸總兵官劉策名往勦時賊悉精銳屯三界谿山口公於六月進薄賊寨身先士卒奮勇力戰火槍鐵丸掠耳有聲公屹不爲動遂大敗賊三界谿爲賊要隘公首克之賊勢漸蹙旋攻八樹寨又克之殪賊幾盡而長安鹽井口客寨飛毛坪龍家溪竹林此五寨者地勢尤險絕林箐深

密攀登不易公率兵步行親冒矢石殲其伏兵鼓銳摧堅復於一日中次第攻克誠奇捷也當是時賊已大困而天子慮事權未一復命經略張廣泗總制諸軍甫到知公謀勇冠諸將凡軍事悉委之時南山大箐餘賊尙扼險抗命積木石塞路兵不得進公統眾聲言從大路入以牽綴之夜簡壯士五百人由閒道越嶺騰躍而上誤墜阮傷膝血流至踵裹創進益力撤木石以通徑時賊已覺數千人來拒公命偃旗息鼓於山巔俟之度賊少懈乃鳴礮直下賊眾駭散而大路之兵亦至合擊大破之獲賊所掠巡檢印一及器械糗糒甚夥殘賊僅六七百人遁伏南嶺讐公之威誚營請降公言之經略經略虞其詐未許公力任之詰朝出諭賊賊悉

眾叩軍門匍匐乞命經略命發大礮擊之以驗誠僞凡三發皆伏地無敢動者其感且畏如此是時各寨並摧破苗皆退保橫坡經略復命遊擊區明李登華偕公往攻橫坡之險如南山公相度形勢從其左抽戈先登眾從之盡覆賊巢前後生擒男婦三千餘人俘至經略欲駢誅公固爭不從乃從容曰執兵抗師之壯夫殺無赦宜宥其婦女及男子十六歲以下者經略雅重公如所請公乃擇其尤黠悍者斬於軍門餘宣布 天子威德並縱遣之苗慶更生咸曰阮將軍活我驩呼之聲振山谷於是賊寨悉平十一年以軍功議敘加等十三年遷河南衛輝營參將十四年被劾罷歸以詩酒自娛泊如也十六年 鑾輅南幸公迎於高旻寺河干甫奏

名 上在舟中顧曰是鄂容安所參者公對曰諾乃 命以都司
起用蓋湖南戰績久契 聖衷故也十七年授廣東羅定協都司
二十一年遷廣東欽州營遊擊二十四年十月壬辰卒於官年六
十有五公幼有志槩好讀書能文章儀表修偉中人僅及其胷挽
強貫札弦不再控尤篤於氣誼鄉試爲儀封張清恪所取士清恪
以言事爲忌者所中傷落職居揚州忌者陰使人刺之公佩刀搢
矢侍其側寢食不離刺者怖不敢發未幾事白清恪感公之義盡
以其學授之後公所至威愛並著兵民交頌雖公之天性過人亦
未嘗不淵源於此也其他懿行及惠政甚多皆詳行狀不具書書
其大者嗚呼人徒知公戰功赫赫照人耳目而不知其宅心之厚

行己之端也徒知侍郎甫逾弱冠卽以文章經術受 聖天子特
達之知位登清要爲學者坊表而不知實公隱德有以致之也世
可以知所勸矣娶汪氏 贈淑人繼娶江氏 封淑人子男四長
承德次承義次承仁早卒次承信卽侍郎父女三皆適士人孫男
三長兆麟揚州營外委千總次元卽侍郎次亨國學生乾隆二十
五年葬於揚州府城北雷塘中壩以兩淑人耐禮也今公以侍郎
貴 贈如其官兩淑人亦 贈夫人銘曰

淮水旣深淮山旣崇靈秀孕毓實生阮公桓阮公敦詩說禮用
武起家宿衛 天子以通六藝復曉五兵 天子契焉俾往專城
專城於楚躬爲士先雅歌投壺步伐不愆洞庭之南苗頑負嶠公

統偏師貔虎載驅攻如鬼神戰若風雨一日五捷親援枹鼓南山
橫坡高入雲表窮林邃箐不通飛鳥銜枚賈勇間道出奇奪賊所
恃賊乃不支生殺之柄閭外是膺草薶禽殲天子所矜苗曰不
其唯公遏之苗曰旣其唯公活之脅從罔治孔武且仁位不稱德
爰啟後人宰木森森豐碑峩峩勒公之勲奕禩不磨

右神道碑銘凌廷堪撰

阮玉堂儀徵人乾隆初任九谿營遊擊大學士史貽直保舉才守
兼優五年逆苗楊清保等糾合峒苗掠擾至城步綏甯殺傷官兵
玉堂奉檄隨總兵劉策名進剿駐三界谿苗悉精銳屯三谷玉堂
身先士卒斃苗甚眾苗奔潰復攻八排寨及南山大箐橫坡諸隘

次第克之十戰皆捷苗黨八百戶退據南嶺乞降總制張廣泗欲
盡誅之玉堂力保始受降九谿城北有北山豪姓欲據之玉堂請
於督撫爲軍民牧馬樵葬地以故軍民尤感德玉堂升任後軍民
於九谿衛城內建祠祀之數十年無廢

右傳李元度撰

李觀

子聖城

李觀字文瀾號仙舟又號大可山人昆明人乾隆庚辰武舉山人
早年負文譽戰不捷棄就武仕途偃蹇因操白圭業家益落乃賣
藥昆明城南問疾不爲勞愈疾不計賞好吟詠子聖城亦中武科
嘗從征緬棄官隱於畫錢南園檀默齋皆賞之

右溟繫小傳師範撰

詩經卷之三

采芣苢采芣苢采芣苢采芣苢

采芣苢采芣苢采芣苢采芣苢

采芣苢采芣苢采芣苢采芣苢

采芣苢采芣苢采芣苢采芣苢

采芣苢

常裕綸

孝子姓常名裕綸山西徐溝人生四歲孤母戴氏哀鞠子而撫焉家故織嗇無薦歲資母鍼紵以供孝子侍側愉愉然不刻離既長以武舉授鎮海衛千總故事督漕者多風波危以故勿克迎輜輶視饕飲乾隆二十八年孝子畢官事還鎮人見孝子連日喜色溢眉宇異恆常時誦之乃其母已來未一載母卒孝子雞斯徒跣不納勺飲將大殮攀棺號阿母不止聲盡血涌腸裂而卒越母亡才

三日

論曰禮稱毀不危身又稱五十不毀然皋魚立哭而死孔子與之傳稱胡女敬歸之子子野卒毀也人情其不立以徵魯之衰孝子